



## IV GOVERNUN KONSTITUSIONÁL SEKRETARIA ESTADU KONSELLU MINISTRU

### KOMUNIKADU IMPRENSA

Sorumutu Konsellu Ministru loron 29 fulan Fevereiru 2012

Konsellu Ministru halao tiha sorumutu kuarta-feira semana ne'e, iha loron 29 fulan Fevereiru 2012, iha Sala Sorumutu Konsellu Ministru, iha Palásiu Governu, iha Díli, no aprova ona:

#### **1. Dekretu-Lei ne'ebé aprova Rejime Formasaun no Dezenvolvimentu Funsau Públika nian**

IV Governu Konstitusionál kompromete ona ho polítika ida atu garante, ba funsionáriu tomak, oportunidade asesu nian ne'ebé di'ak ba formasaun no dezenvolvimentu, ne'ebé haree liu ba atividade ne'ebé relasiona ho servisu, atu hadia dezempeñu no mós efikásia no promosaun ba dezenvolvimentu profisionál kontinua.

Diploma ida ne'e regula direitu no responsabilidade funsionáriu sira nia iha sira nia dezenvolvimentu profisionál, formasaun no atividade dezenvolvimentu lubun ida ne'ebé disponível, nune'e mós instituisaun sira ne'ebé mak responsabiliza ba planeamentu no dispozisaun atividade hirak ne'e nian ne'ebé sei promove orientasaun ida di'ak no abordajem ida koordenada no konsistente.

#### **2. Kontribuisaun voluntária ba Komuidade País Lían Portuguesa (CPLP)**

Ho objetivu atu apoia inaugurasau ba instalasau foun Sekretariadu Ezekutivu CPLP nian, Timor-Leste sei halo kontribuisaun voluntária exesionál ida ba CPLP ho valór USD \$ 50.000 (dólar rihun limanulu). Kontribuisaun ne'e valoriza pozisaun Timor-Leste nian hamutuk ho CPLP, hodi aumenta tan influénsia País nian atu hodi hadi'a polítiku- diplomátika iha nível internasionál, liu-liu hare tanba iha kandidatura ida Timor-Leste nian ba iha Komité Dezkolonizasaun ONU nian.

Konsellu Ministru analiza mós:

#### **1. Apresntasaun Planu Ensinu no Formasaun Téknika no Profisionál 2011-2030**

Ensinu no Formasaun Téknika no Profisionál (EFTP) ne'e métodu ida atu hodi halo preparasaun ba maundobra kualifikada ne'ebé importante ba ekonomia moderna hotu no iha objetivu atu prepara

1/2

traballadór kualifikadu sira ne'ebé presiza atu halo dezvoltimentu industriál, hodi aumenta produtividade no riku soin.

Planu Ensinu no Formasaun Téknika no Profisionál 2011-2030 (Planu EFTP) ne'e apoia iniciativa ne'ebé mak define ona iha Planu Dezenvolvimentu Estratéjiku ba Timor-Leste 2011-2030 no ne'e iha relasaun ho prinsípiu no métodu sira ba Abordajen Setoriál ida ne'ebé luan tebe-tebes.

Iha país hotu-hotu, maske iha ekonomia ida ne'ebé iha dezvoltimentu nia laran ka ne'ebé avansada, governu sira mak sai nu'udar responsável prinsipál ba kriaun sistema formasaun ida ne'ebé mak prepara traballadór kualifikadu sira ne'ebé importante ba sociedade ida ne'ebé ho moris di'ak no hanesan hotu.

Timor-Leste hetan pozisaun di'ak atu hodi implementa planu nasional EFTP ida, ne'ebé bele hadi'a efikásia no resposta formasaun nian no hodi insentiva dezvoltimentu ba kompeténsia foun sira, importante ba dezvoltimentu sosiál no ekonómiku País nian iha futuru.

## **2. Apresentasaun Planu Diretór Enerjia Hidroelétrica**

Diresaun Nasionál Pezkiza no Política Enerjia Alternativa husi Sekretaria Estadu Política Enerjética, liuhusi kooperasaun ho Diresaun Rekursu Akuátiku no Enerjia Governu Noruega nian, hatu'o ba Konsellu Ministru Planu Diretór Enerjia Hidroelétrica. Projetu ida ne'e hahú tiha ona iha Maiu 2010, no iha objektivu atu uza enerjia renovável Timor-Leste nian, hodi fó, aleinde alternativa enerjética ne'ebé mós liu, oportunidade empregu nian ba comunidade sira ne'ebé mak hidroelétrica sei harii ba, la'ós de'it iha faze konstrusaun nian maibé mós iha faze ezplorasau nian. Planu ne'e konsidera ona projetu hidroelétrica 23 ( neen ho dimensaun boot, sanulu resin neen ki'ik no mini ida). Estuda ona bee dalan ne'ebé ho bee nakonu hela de'it iha distritu 13.